



УЛСЫН ОНЦГОЙ КОМИССЫН
ХУРЛЫН ТЭМДЭГЛЭЛ

2020 оны 10 сарын 26 өдөр

Дугаар 30

Улаанбаатар хот

XXX ХУРЛЫН ТЭМДЭГЛЭЛ

Улсын онцгой комиссын XXX дүгээр хурал 2020 оны 10 дугаар сарын 26-ны өдрийн 14:00 цагт Төрийн ордон дахь Шадар Сайдын ажлын өрөөнд 96.8 хувийн ирцтэй хуралдав.

Хурлыг Монгол Улсын Шадар сайд, Улсын онцгой комиссын дарга Я.Содбаатар даргалж, холбогдох үүрэг даалгаврыг өгөв.

ХЭЛЭЛЦСЭН НЬ:

1. Коронавируст халдвар (КОВИД-19)-ын цар тахлын нөхцөл байдлын талаарх мэдээлэл

*Эрүүл мэндийн сайд,
Улсын онцгой комиссын гишүүн
Т.Мөнхсайхан*

2. Гамшгаас хамгаалах өндөржүүлсэн бэлэн байдлын зэрэгт шилжүүлсэн хугацааг сунгах тухай

*Улсын онцгой комиссын орлогч дарга,
Онцгой байдлын ерөнхий газрын дарга,
бригадын генерал Г.Ариунбуян*

3. Улс хоорондын болон дамжин өнгөрөх ачаа тээврийн зохицуулалтын талаар

*Зам тээврийн хөгжлийн сайд,
Улсын онцгой комиссын гишүүн Л.Халтар*

4. Бусад

ШИЙДВЭРЛЭСЭН НЬ:

Нэг, Засгийн газрын Хэрэг эрхлэх газрын Тэргүүн дэд дарга,
Улсын онцгой комиссын гишүүн Б.Ганбат,
Онцгой байдлын ерөнхий газрын дарга, Улсын онцгой комиссын орлогч
дарга, бригадын генерал Г.Ариунбуян,
Хил хамгаалах ерөнхий газрын дарга, Улсын онцгой комиссын гишүүн,
бригадын генерал Ж.Бямбасүрэн,

1.1. Коронавируст халдвар (КОВИД-19)-ын цар тахлаас урьдчилан сэргийлэх, эрсдэлийг бууруулах зорилгоор улсын хэмжээнд тогтоосон гамшгаас хамгаалах өндөржүүлсэн бэлэн байдлын зэрэгт хэсэгчилэн шилжүүлсэн хугацааг 2020 оны 12 дугаар сарын 31-ний өдрийг дуустал хугацаагаар сунгах асуудлыг Засгийн газрын хуралдаанаар хэлэлцэн шийдвэрлүүлэхээр тогтов.

Хоёр, Зам тээврийн хөгжлийн сайд,
Улсын онцгой комиссын гишүүн Л.Халтар,
Эрүүл мэндийн сайд, Улсын онцгой комиссын гишүүн М.Мөнхсайхан,
Гадаад харилцааны яамны Төрийн нарийн бичгийн дарга Н.Анхбаяр,
Онцгой байдлын ерөнхий газрын дарга, Улсын онцгой комиссын орлогч
дарга, бригадын генерал Г.Ариунбуян,
Хил хамгаалах ерөнхий газрын дарга, Улсын онцгой комиссын гишүүн,
бригадын генерал Ж.Бямбасүрэн,
Цагдаагийн ерөнхий газрын дарга, Дотоодын цэргийн командлагч,
Улсын онцгой комиссын гишүүн, цагдаагийн хурандаа Ж.Болд,
Мэргэжлийн хяналтын ерөнхий газрын дарга, Улсын онцгой комиссын
гишүүн Т.Гантулга,
Монгол-Оросын хувь нийлүүлсэн нийгэмлэг Улаанбаатар төмөр замын
дарга Д.Жигжиднямаа,
Аймаг, нийслэлийн Засаг дарга нарт.

2.1. Сэлэнгэ аймаг дахь хилийн Алтанбулаг боомтоор импортын болон дамжин өнгөрөх ачаа тээвэрлэлт гүйцэтгэж байгаа жолооч нарыг 2020 оны 12 дугаар сарын 01-ний өдрөөс эхлэн нутгийн гүнд зорчуулахгүй байх зохион байгуулалтын арга хэмжээг авах, холбогдох байгууллагуудын төлөөллийг оролцуулсан ажлын хэсгийг томилон ажиллуулж, шаардлагатай тооцоо судалгаа, санал, дүгнэлтийг гаргаж 2020 оны 11 дүгээр сарын 15-ны өдрийн дотор танилцуулах;

2.2. Сэлэнгэ аймаг дахь хилийн Алтанбулаг боомтод улс хоорондын тээвэрлэгчдийг халдварын эрсдэлээс хамгаалах тусгаарлалтын бүсийг 2020 оны 12 дугаар сарын 01-ний өдрийн дотор байгуулах,

2.3. Баян-Өлгий аймаг дахь хилийн Цагааннуур, Увс аймаг дахь хилийн Боршоо боомтын ажиллах хуваарийг гарагийн хуваарьт шилжүүлэх, халдвар хамгааллын дэглэмийг чанд мөрдүүлэх, PCR шинжилгээ хийх явуулын лабораторийг байгуулж, үйл ажиллагааг жигдрүүлэх;

2.4. ОХУ-аас ирж байгаа олон улсын ачаа тээврийн жолооч нараас халдварын эрсдэл нэмэгдэж байгаатай холбогдуулан хилийн Алтанбулаг, Цагааннуур, Боршоо боомтоор зорчин ирж буй жолоочийг коронавируст халдвар /Ковид-19/-ын PCR шинжилгээг /72 цагийн дотор хийлгэсэн байх/ үндэслэн улсын хилээр нэвтрүүлэх;

2.5. Тээврийн хэрэгслийн зүтгүүр болон жолооч нарыг солих тохиолдолд ОУ-ын ачаа тээврийн жолооч нарыг халдварын эрсдэлээс хамгаалах "түр тусгаарлах байр"-ыг бэлтгэх, ачигчдын багийг бүрдүүлэх ажлыг Сэлэнгэ аймгийн Онцгой Комисс, Чөлөөт бүсийн захиргаа хамтран зохион байгуулах;

2.6. Сүхбаатар-Наушки, Замын-Үүд-Эрзэн төмөр замын боомтоор тээвэрлэж байгаа ачаа, вагон хүлээлцэгч агент, машинист /төмөр замын хөлөг ажилтан/-ын хөдөлгөөнд тавих хяналтын тогтолцоог сайжруулах, коронавируст халдвар /Ковид-19/-ын PCR шинжилгээнд хамруулж байх;

2.7. Монгол Улс, БНХАУ хооронд олон улсын ачаа тээвэрлэж буй монгол жолооч нарыг коронавируст халдвар /Ковид-19/-ын эрсдэлээс хамгаалж байгаа тусгаарлалтын нөхцөл байдлыг үнэлж, тодорхойлох ажлыг Гадаад харилцааны яам, Эрзэн хот дахь Консулын газрын шугамаар зохион байгуулах;

Гурав.

Зам тээврийн хөгжлийн сайд,

Улсын онцгой комиссын гишүүн Л.Халтар,

Эрүүл мэндийн сайд, Улсын онцгой комиссын гишүүн М.Мөнхсайхан,
Онцгой байдлын ерөнхий газрын дарга, Улсын онцгой комиссын орлогч

дарга, бригадын генерал Г.Ариунбуян,


Хил хамгаалах ерөнхий газрын дарга, Улсын онцгой комиссын гишүүн,
бригадын генерал Ж.Бямбасүрэн,

Мэргэжлийн хяналтын ерөнхий газрын дарга,

Улсын онцгой комиссын гишүүн Т.Гантулга,

Улсын онцгой комиссын Шуурхай штабт;

3.1. "Хилийн авто замын боомтоор улс хоорондын ачаа тээвэрлэлтийг зохион байгуулах түр журам", "Онцгой нөхцөлд улс хооронд дамжуулан өнгөрүүлэх ТИР карней бүхий бараа, тээврийн хэрэгсэлд хяналт тавих түр журам"-ыг 2020 оны 11 дүгээр сарын 15-ны өдрийн дотор шинэчлэн боловсруулж батлуулах;

МОНГОЛ УЛСЫН ШАДАР САЙД
УЛСЫН ОНЦГОЙ КОМИССЫН ДАРГА  Я.СОДБААТАР

УЛСЫН ОНЦГОЙ КОМИССЫН НАРИЙН БИЧГИЙН ДАРГА,
ДЭД ХУРАНДАА Т.МӨНХДОРЖ